



„Gæca, son boatta balvaiguim, ja juokke çalbme galgga su oaidnet, maidai si guðek læk su çadarettim.“

Nr. 9. 20ad jakkegærde.

Korsfjordast 15ad mai 1918.

Redaktør: Henr. Olsen.

## Kristus ja mi.

Juokke kristalaš galgaši læt Kristus saddag, gost son ain læš ja maid son ain doaimatæžžä. Ovtagærde læi Jesus dabe mailmest. Gæços dam aige vagjoli son birrasin, buristsivdnedi, væketi ja jeddedi.

Dal sadde son min. Dai aidno giedaid Kristus suitta balvvalam diti olbmuid, læ min giedak. Dat aidno jiedna sust læ sardnom diti jedditatte ja apasmatte sanid, læ min jiedna. Dak aidno juolgek sust læ mannam diti rakisvuoda ja væke ærani mielde, læ min juolgek.

Mi galggap læt Kristusa olgus-saddagak mailmest, ja min ællem galgaši læt nuft duotta, nuft buttes, nuft jeçasavketæbme, nuft lieggos ja vuollegaš, atte buokak guðek oidnek min, ferttijek dov-dastet min nuftgo Kristusa duotta saddagen.

## Sardned fal Jesus.

Okta miššonæra, gutte gieskad macai ruoktot Kinast, muittala muttom kinesalaš ganda birra, gi læi dakkam jorggalusa Ibmeli, ja gutte læi hæittam balvvalæmest æppeibmelid.

Go su ačče aido ouddalaš ovta stuora æppeibmelbalvvalusa muittoti su dakkat ječas garvesen dam festalašvutti, de vastedi barnaš atte son i æmbo sattam mannat daggar festaidi.

„Im mon šat sate gukkeb rokkadallat guðege ærai go Jesusi.“

Dam dafhost šaddai ačče suttas, ja festabæive iddedest cabmi son barnaš, go dat i aiggom mielde læt festi. Almake læi gandaš sagga gierddel ja ouddandoalati atte son i sattam gukkeb luottadet vuolas ja rokkadallat æppeibmelgovvi, dainago Jesus læi šaddam su Hærra ja bæste.

Oanekaš boddo gæčest, go festi mannam aigge læi joavddam, læi ačče molssom su mærradusas: son i mannam æppeibmelbalvvalussi. Gandaš jærrali:

„Ikgo don aigo vuolget festi, ačče?“

„Im,“ çuojai vastadus, „go don ik vuolge, de orom monge sidast.“

Ja sou i mannam. Mutto dat i læm buok.

Oanekaš aige dastmanŋel oidnuiga ačče ja gandda miššonibmelbalvvalusast. Miššonæra sardnedi Jesusa rakisvuoda birra, ja sardnedeme vuolde aicai son atte gandaš gaskotaga gæçai duodas ače ala, nuftgo son savkoti juoga su bælljai. Ačče læi sagga likkotæbme oaidnet. Ja vebaš manŋelist læi dam ucca gandaš vaibmo liegganam nuft atte son çuorvoi:

„Ačče, dovdakgo don Jesusa dal?“

„Im, mu barnačam, mon im dovda su vela,“ celki ačče.

„Sardned fal oapatægje, læge nuft buorre atte lasetak ain,“ çuorvoi gandda.

Miššonæra sardnedi, ja fastain bakkodasti gandda:

„Ačče, ačče, dovdakgo don Jesusa dal?“

„Im, mu barnačam,“ vastedi ačče morašlakai, mon balam atte mon im dovda su vela.“

„Læge nuft buorre atte lasetak, læge nuft buorre atte lasetak,“ celki gandaš sagga duodast. Ja miššonæra sardnedi æmbo dam çabba evangeliumlaš saga.

Vebaš boddoš manŋelist baittegotte olbma muodok, çuovgga læi boattam. Ja vela ovtagærde jærrali gandda:

„Ačče, dovdakgo don Jesusa dal?“

„Juo, mu gandačam, „dal jakam mon atte mon dovdam su.“

De jorgeti dat likkolaš gandda ječas miššonæra guvllui ja celki:

„Dat læ buorre, oapatægje, dat læ buorre.“

„Vuoi, vare mi vuostaivaldašeimek dam vuoiŋa, mi asai dam kinesalaš ganda siste,“ celki miššonæra.

Ibmel devddus min angervuodain barggat ja videdet su rika doaimatusa, dam bale go læ vela gilvvenaigge.

Laset du oapatemin, du rakisvuodain, du rokkusin, vai rafhetes sielok šaddek bestujuvvut.

Laset, don sardnedægje daina boares evangeliumin, dastgo ain gavdnujek ædnagak, guðek ellek suddo sævdnjadasa siste.

Sardned fal Jesusa, vai ænebuk ain ožžuk gullat alme audogas sags rakisvuoda ja rafhe birra.

Okta daina nannosemus çajetusain duotta jorggalusa harrai læ savaldak atte vuottet æraid Kristusi. Mon balatam sagga daggar dovdastægje kristalaža dafhost, gæst vaillo rakisvuotta sieloi bestujubmai.

## Dat vanhurskes galgga bissot.

Dai manemuš beivid galgga læt nuft stuora atestus ja doarradallujubme go dat i goassege oudal læmas. Ja dalle galggek vela dak olgusvalljijuvvumakge šaddat fillituvvut, jos dat lifci vejolaš.

Ja dat čuožžo vela atte Hærra ustebak æi galga vuovddet daihe oastet mudoigo spire mærkka læ sist (Alm. 13, 17).

Mutto allop mi goassege vajaldatte atte Hærra aiggo læt ječaides mielde buok beivid gidda mailme loppi. Ja go son læ mielde min ællemvadásest, de læp mi oagjebasa. Son adda famo maidai dademielde go bæivek læ.

Dat læ buorre suittet daggar rakislaš ače, gutte i goassege vajaldatte su smavvades dabevuollen, vaiko si nuft davja dakkek su vuostai. Hærra gulla su manides jiena, ja dievasmatta — jos dam oaidna buorren — sin savaldaga. Son adda migjidi dam maid mi rokkadallap, jos dat læ migjidi buoremussan. Sust læ nuft stuora oudastmoraš su varainostujuvvum manidasas, atte son dævvaset cælkka:

„Jos okta nisson vajaldatta su njamme manas, ja i arkalmaste su hægas barne bagjel, — de i m vajaldatte mon du.“ Es. 49, 15.

Mi æp darbaš vebašge morrašest læt dam dafhost mi galgga boattet; dastgo Hærra aiggo čuožžot min baldast ja soattat min oudast. Ja jos ruossa orro dovdomen lossaden guoddet, boattep mi mærkašet atte Ibmel læ dalle lagamusta su famoines. Son i vajaldatte gassege ječaides.

Dat læ buorre migjidi nuftgo kristalažak atte mi æmbo gæččap oudastguvvlui dam agalaš hærvasvuoda vuostai, mi mist vuordagasast læ. Dat avkota dasa atte mi æmbo šaddap dego matkuštægjek vuoinalažat sardnot, ja dalle mi æp šadda nuft čavvgaden čadnujuvut dai ænamlaš dingaidi.

Mannop mi davja Ibmel lusa ja adnop sust armo læt gerggus eritvagjolet dabe.

Rakis ustebak! Lekop mi alo garvvaš mannat irge oudi, čuovgain giedast, ja adnet buok æra duššen dam ektui atte suittet Jesus, suittet doaivo agalaš audogasvuoda harrai dobbe sidast, gost mi alelassi galggap læt čoakest ja lavllot labba odda lavllaga.

(A. E. ovta daro blædest).

### Gollemadek.

Muttom ucca nieidaš, gutte læi buocamen, gulai su ačes lokkamen dām kapital Johannes almostusast, gost namatuvvu dam odda Jerusalem hærvasvuoda birra. Go son læi gerggam lokkamin, de celki dat uccakaš duodas gæčastagain:

»Vuoi, ačče, man buttas æi ferte dadde læt juolgek daina olbmui, guddek galggek vagjolet dai gollemadi alde.«

Čada poartaid dam odda Jerusalemi i boade mikkege buttesmættomid sisa.

### Rokkussærvve.

Schweizast læ asatuvvum okta rokkussærvve, mi avčota dai kristalažaid buok ædnamin oktasaš rokkadusi juokke vuostas sodnabæive manost. Rokkusvuoddon læ valddujuvum dak mærkalaš sanek mak čuožžok Joel 2, 12—19, ja vuolasravkkat Ibmel væke dam dalaš hirmos aige atte varjalet osko gierddavašvuoda siste ja vuoina oktavuoda rafhe čadnagasa siste. Atte Kristusa miella oažžo raddet, nuft atte dat bærgalaklagan našonavašše i ožuši dakkat vaimoid galmasen.

### Barggoillo.

Barggo ja duttavašvuotta čuovvoba særvvalagai, ja akkedvuotta boatta aido joavddelasvuoda sušme manest. Olbmuk guddek barggek, sist i læk dille akkedušsat. Barggo adda ilo ja duttavašvuoda, i dušše ællem bajasdoalo harrai, mutto maidai daggobokte atte mi čada bargo oažžop duttadattet min doaimatushalo ja attanušatet min rumaslaš ja silolaš navcaid. Okta bargolaš albmug šadda maidai okta duttavaš ja likkolaš albmug.

Dat læ hæjos mærkka, go guttege algga gavdnat buok dinga nuft akkedden. Dat gutte occa ællemdayverid

navdašæme siste dam sagjai go bargo siste, i šadda goassege likkolaš. Navdašam-vuorradus læ galletmættos. Mađe æmbo dat biebmatuvvu, dađe æmbo gaibbadusaid dat divota. Dat gutte gavdna bargo læt noadđen ja erinoamačet golata aiges joavddelasvutti ja alelassi hapota suotasvuodai mannai, son satta manaçassi roappanet akkedvuodast.

Divte bargo boattet gudnai ja bargolaš olbmuid šaddat aige avkalaš albmugen, de šadda buok hapotallam suotasvuodai mannai dollujuvut dasedes raji siskalædde, ja buok vaiddalu aige akkedvuoda harrai javkka ješaldest.

Jos olbmuk guddege gavpugest daihe guovlost gavdnek atte sin sidabaikke læ akkedlagan, de læ juoga hettitusan dai olbmuid barggohalost, ja dalle darbašuvvu dat atte bargo evangelium sardneduvvu.



### Matkebræva.

Ibmel arbmo ja rafhe lekus buok su manai mielde!

Januar mano loapast vulggin mon sidast ja galggin oappaladdat Lagesvuona, erinoanaš Daiggevuona ja maidai Skietteberge, gosa ustebak legje mu datton boattet ein lusa. Leggin valddam bilæta Gilevudni; mutto Ibmel læ ovdolaš. Olmuš jurdaš su goinos, mutto Hærra æstada dam matke. Dat læ sagga havske vagjolet Hærra gæino, jos dat vel šaddage æra lakai go ni jurdašep.

Fertijim nubbastuttet bilæta vuoi-ga Čaccesullui, ja dast mon orostim dassačigo lokala vulgi sisa Varjagi. Dasto bottim Unjarggi, gost deivvin mon særvvegodeoaba Olina. Sæmma bæive bessim mon hæstasatoim Bnessi, gost mon bessim dærvatet dai rakis vieljaid ja oabaid, gæiguim juo oudal leggin oapes, ja guddek burist vuostaivaldde mu. Ja im læm vajaldattam sin, go vuostas have leggin sin lutte; si læk davja læmas mu muitost. Dast dollim mon moadde rokkusa, ja havske læi dærvatet dai rakis Ibmel manaid.

Dasto jottim mon birrasin gidda Stuuravudni, bottim Per Isaksen dalloi, gost mon burist vuostaivalddujim. Dast legjim mon guokte bæive, ja doalaime čoaggalmasaid. Dast dolvvu si fast monno Nyborgi. Dast doalaime moadde čoaggalmasa buocceivesost, ja dast læi havske, Ibmel vuoigña læi min gaskast, ja illojiedna bajasbajeduvvui Ibmelen gitosen.

Havske læi munji dæivadet Ibmel manaiguim, guđek ovtamielast ja soabalašvuodast vagjolek ællemgæino alde. Ibmel ačče varjalekus sin ain dam oanekas aige.

Dasto vulgi dat rakis viellja Mikkel Ande mu doalvvot bagjel, ja moai bođime dam rakis vielja Koskama dalloi Seidast, gost moai su hæsaimē dærvatet. Go mon dast legjim vehas aige orostam, vulggim mon vuolas Dednoi ja ollijim manned ækked Bonjakassi Janne Marja dalloi, ja dast deivvim su vielja, gæn mon dattom gavdnat. Dast læi buorre orrot, ja læ havske boattet Ibmel manai suoje vuollai. Dast orostim mon moadde bæive, ja læi havske dærvatet Bonjakas vieljaid ja oabaid.

Dasto mannim mon Juovllavudni, bottim boarrasisidi, ja dast dollim čoaggalmasaid. Dasto bođi Koskama viellja. Mi manaimēk sisa Juovllavudni. Dobbe doalaimek guokte bæive čoaggem. Ollo læi olmuš. Havske læi monnoidi čokkadet ja gulddalet dam boares vielja. — —

Mi nuorabuk darbašep boarrasēbuid gulddalet, guđek læi gukka gilvotallam dam galbma ja čoaska maililmest.

Vuoi gukka bistus Hansa Helander ja Olle Koskama muitto sami gaskast. Nubbe læi juo bæssam sidi buok vaivin ja atestusain. Koskama viellja læi vela baccam čurgodam vuovtaiguim čurvodet. — — —

Go mi vulgimek Juovllavuonast, orosteimek mi moadde bæive Bonjakasast, gost mon dollim čoaggemid. Dat rakis viellja Per Pavelsen dulkku darost sabmai. Ibmel ačče buristsivnedifci su manai rakisvuoda mu hæjo vuostai. Ollo vaimolaš gitosa saddim din rakisvuoda balvvalusa oudast. Ibmel buristsivnedifci ođnaggærddasazat din bargo ja vaive.

Vanhurskasid bajasčuozželēmest galgabetet di rakis vieljak ja oabak oazžot balka, i ansasæine bokte, mutto

armost Jesus diti, gæn bokte mi læp arkalmastujuvvum, su vara bokte buttestuvvum. Osko bokte sattep mi oamastet aldsesæmek bestujume.

Im dato æmbo sajettutet blađe dam have. Ollo vaimolaš dærvuodak buok Ibmel manaidi, ja muittet vela mu din rokkadusadek siste, atte min almalaš ačče gievrrodifci mu ja min buokaid soattat osko soade jabnem ragjai. Farga daidda son boattet, gutte læi cækkam: »Gæča mon boadam farga.«

N. P.

## Mailme-soatte.

### Oarje soattesajest

i læk erinoamaš odas, ærago tuiskalaš vigga ain dævččot dai alliertaid. Soames saje likkostuvva, mutto soames saje i. Ypres gavpug Flandernest, maid tuiskalaš hapotalla oladet, daidda farga boattet su halddoi. Engelasolmai i luoite almaka Ypres nuft halbet gal.

Okta dingga læi visses, atte dat šaddek hirmos varradivras vuoitok, maid tuiskalažak sattek dakkat dam oarjalaš soattesajest. Oaffarak šaddek diedostge sturak goabbašak bælest, mutto falletægjai garttek tapak stuorebun, mærkašedin dalle jos dat oazžo garra vuostalastem.

### Dak hirmos kanovnak.

Franskolbmak læi duššadam golbma daina tuiska gukkasolatægje kanovnain.

### Osterrikalas falletæbme

vuordujuvu algget dal dam italianalaš soattesajest.

Italianalažak læi æppedkætta nuft cabnujuvum, atte sist i daide læt ollo fabmo sattet vuostalastet ođđa falletæine vašalaža bælest.

### Kina læi loppedam

skappot ovtā miljon ollaset værjoduvvum soaldatid balvvalussan oarjesoattesajest, jos dak alliertak goastedek fievredæme Europai.

Nuftgo dittujuvu, de læi maidai Kina diedetam Tuisklandi soade.

### Ođđa einostusak.

Dat engelas general Robertson læi namatam atte soatte bista ain gukka. Dai alliertai likkotesvuotta læmas dat atte si æi læm garvvas algatet soade

nuftgo vašalaš, gutte jagi mielde læi garvetam ječas.

Ollo ædnamak læi hærjeduvvum, mutto Englanda cævzza čada buok.

### Rumanien rafhe

læi sagga vuollanatte. Tuiskalažak stivriek dobbe ain nuftgo ječa gavdnek buorren.

Vuoi dai duodnarieboid, guđek læi bagjelvuotatallam!

### Moadde darolaš dampa

læi fast vuogjoduvvum dast gieskad. I oktage olmuš galga gal læt sorbmijuuvum.

### Ukraine

læi maidai gosi ollaset boattam Tuisklanda valde vuollai. Dat gaibbeda dam ænamoase Rušaædnamēst mieđetet ječas gaibbadusaidi.

## Dam vides mailmest.

### Amerika-soappam læi vuollaičallujuvum.

Telegramak muittalek dam illodatte saga atte soppujubine Amerika ja min ædnam gaskast læi vuollaičallujuvum.

Frithjof Nansen, gutte læi Amerikai saddujuvum dam vægjeles ærana doaimatet, læi ješ dat gutte vuost telegraferi atte son dam 30. april læi vuollaičallam soappamčallaga Amerika ja Norga geskast.

\*

Vinag læi dal nuft ollaset gærggam dak gukkes radadallamak Amerika ja min ædnam gaskast galvvo-molssomi ja fievredemi harrai. Mi galggap oazžot sisafievrēduvvut dai darbašalažamus galvoid, erinoamaš gornid. Ja gal dat gaibbeduvvu.

Daddeke i berre oktage illodet ila arrad ja doavvot dallanaga atte dal læi buok hœtte eritjavkkam min ædnam dafhost. Dadebahabut læi vaddesvuodak ollo ja čikkujuvum vaddok, nuftgo sisafievrēdæbme daggar rafhetes dili vuolde go mi dal ælašep. Ja jæraldak maidai man stuores galvvo-hivvodak læi, maid Amerika skappo.

Daina stuoremus balatatte vaddesvuodain læi dat maid Tuisklanda bigja gæino oudi. Norga maidai fertte læi varrogas ja gævitet ječas burist guktoi bællai.

Telegramak muittalek juo — ja dat læi suorgatatte — atte Tuisklanda læi

mærredam aitemin: Dai noitrala ædnamid dampak galggek rakinastujuvvut vašalažžan, guđek ænemus oase ječasek gavppetonnašest læ luoitam vašalaža halldoi.

Gaskotaga avčotuvvu dævvaset atte gordnegilvvem min ædnamest galgga doaimatuvvut garraset, dastgo mi cep dieđe likkostuvvago buok burist Amerika-soappaminu.

### Dat suoma soatte ollim lakka daro raje.

Dat suobmelaš soatte læ ollim dal davas gidda raji lakka daggo goggo Suomædnam, Ruošædnam ja min ædnam bottek okti.

Lakka daro raje Pasvikjoga gaddest læ suoma »vilggisgardistak«, 68 olbma, fakkistaga ittam oidnusi ja balddam soames ruoša assid, guđek bataregje bagjel raje daro bællai, oktibuok 92 olbmu. »Vilggisgardistak«, guđek galggek læt rafhalaš elbmuk, læ datotam ruoša-assid maccat ruoktot, mutto duok æi læk duostam.

Dai »vilggisgardistai« oaiveldak læ atte raidnit Pasvik-vagge erit »ruksisgardistain«, guđek balatuvvujek læt duhati mielde Petsjenga guovlost.

Dat balatuvvu boattet oktinordastabme gaskal »vilggis- ja ruksisgardistaid« lakka daro raje. Mutto gaskotaga goceta daro vakta dævvaset raje.

### Eduambarggo-skuvla Dednoi.

Stuoradigge læ dal loppedam miedet 100,000 kruvna huksim varas ædnambarggo- ja bivdoskuvla Dednoi Sameædnam dilalašvuodai mielde.

Dat læ oaiveldabme atte skuvla galgga algatuvvut 1. juni rajest 1919.

## Ruošaædnam.

Tuiskalaš aitta valddet Petrograd, jos ruošša i dal vimag miedet su datotusaidi.

Dat bæggotuvvu atte Ruošædnam arvvala fast soađe algatet, gæina ja gæn vuostai, i læk buorre diettet. I dat læk goit soavalaš ječainesge.

Gaskotaga læ stuora ruoša soaldatvækka čoakkanam raje ala gaskal Suomædnam ja Ruošædnam.

Kæisar-radditus bæggotuvvu maidai atte galgga fast asatuvvut Ruošædnam.

### Hollanda dille.

Hollanda læ okta daina noitræl ædnamin, mi maidai læ gillam ollo dam soađe vuolde, divvum nuftgo dat læ guovte dola gaski. Dam ovta bælest ouddanbigja Tuisklanda garra gaibbadusaid, ja nubbe bælest æi læk Amerika ja dam alliirtak lađdasebbo.

Dasa vela læ rafhetes dilek Hollandast ja borramušvadnevuotta stuores.

### Potetosgællarak.

Stata galgga rakadet gællarid, mak siettadek 30,000 farppal potetosid.

### Roald Amundsen

galgga jottat Davvepoli Kristianiast juli manost dam gæsa. Amerika aiggo skappot koalaid ja vuoiddasid matkejottidi.

### Okta dorske,

mi vikki 31 kilo, læ gieskad fiduijvum Søndmør-guovlost.

### Stuoradigge

læ mærredam odđa stataloana, 150 miljon kruvna ouddi.

### Amerika nisojaffolagjo.

Dai ovtastattujuvvum statai nisojaffolagjo arvvaluvvu addet dam jage 8—900 miljon bushel (okta bushel læ 36<sup>1</sup>/<sub>4</sub> litar). Dat læ buoreb doaimvo gorndelajo harrai dobbe go dima.

### Portugal

læ valljim odđa præsidenta, gutte læi fievredægje manemuš stuimest dobbe

### 2—3 vakko arab

go dima læ gidđa dam jage madden min ædnamest. Potetoslastak læ soames sajin bajasittam ja muorjemuorain maidai hærvvalastak.

Mutto dabebagjen min lutte læ æska ænem bievllagoattam, ja njoacet manna ain gidđa guvllui.

### Judalažai doarradallam

læ alggam goaveslakai Ruošædnamest dam manja aige. Soames sajin læ si čuđi mielde sorbmijuvvum ja sin obmudagak stajeduvvum.

### Næggehætte

mærkašuvvu sagga Tuisklandast, ja dat fertte læt jakolaš, go dat muittaluvvu Berlin bokte. Mutto dal oažžo Tuisklanda gornid Ukrainest.

Maidai Ruotarikast læ ælatusvadnesvuodak lassanæmen.

### Jos buok nummarak

æi boađe blađest, de čale dallan dam birra »Nuorttanaste« doaimatussi, ja dak vaille nummarak sadijuvvujek. Čale dušše 5-evresaš brævakoarta.

### Girjek vuovddet.

Samegiel bibalak ja samegiel odđa testamentak David salmaiguim læk vuovddemest.

Hadde bibalin læ 3 kruvna bittast. Porto 80 evre, oktibuok kr. 3,80. Odđa testamentak maksek 1 kruvna bitta. Porto 80 evre, oktibuok kr. 1,80.

David Salmak sierranassi læk maidai vuovddemest. Hadde daina læ 50 evre. Porto 50 evre, oktibuok kr. 1,00.

Girjedinggombævak galggek frankeijuvvut; dak æi mana portofria poastast.

„Nuorttanaste“ ekspedition,  
Korsfjorden, Alten.

### Diedetus-haddek.

Diedetusak »Nuorttanaste« maksek dastmannel odđa nubbastusa ja rekinastem mielde naft:

1-spaltag diedetusak 4 evre millimeter (2be ja 3ad sidost 6 evre millimeter) ja sisavalddujuvvu blađđai 2 gærde sæmma haddai. Åmbo gerdid sisavaldden gartta divrrasebbo; mutto fast miedetuvvu 25, 40 ja 50 procenta rabat 3, 6 ja 9 gærde sisavalddemest ja dast bagjel.

2-spaltag diedetusak garttek divrrasebbon diedetegjidi.

Stuoreb diedetusak æi sisavalddujuvvu blađđai čembo go 2 gærde miel-dalagai.

Dak odđa diedetus-haddek garttek halbebun diedetegjidi go dak boares 5 evre sadne).

### „Nuorttanaste“

olgušboatta guovte gærde juokke manost, dam 15ad ja 30ad bæive. Dat maksa kr. 1,00 — ovta kruvna — jagest ja satta dinggujuvvut juokke poastarappe bokte, nuftgo maidai njulgistaga blađeekspedišonast,

Korsfjorden, Alten.

Olgoædnami — Amerikai, Dan markoi ja æra ædnamiđi — maksa »Nuorttanaste« kr. 2,20 — guokte kruvna ja guokte loge evre — jagest, go sadijuvvu guovte gærde manost, ja kr. 1,60 — ovta kruvna ja gutta loge evre — jagest, go sadijuvvu ovta gærde manost.

Prenttejuvvum »Nuorttanaste« prentimrakkanusast, Korsfjord'ast.